

Headline	MIDF ulang saranan beli saham TNB		
MediaTitle	Berita Harian		
Date	20 Jul 2019	Language	Malay
Circulation	82,252	Readership	246,756
Section	Bisnes	Page No	24
ArticleSize	312 cm ²	Journalist	N/A
PR Value	RM 30,993		



MIDF ulang saranan beli saham TNB

MIDF Research mengulangi saranan 'beli' ke atas Tenaga Nasional Bhd (TNB) pada harga sasaran tidak berubah pada RM14.40.

Dalam notanya semalam, firma penyelidikan itu berkata hasil dividen sebanyak empat peratus, peningkatan perbelanjaan modal (capex), mencadangkan ruang untuk dividen terus meningkat atau pertumbuhan perolehan, manakala penjana keuntungan daripada aset gantian teras menjadi pemangkin utama bagi saham.

Dalam lawatan ke projek solar berskala besar (LSS) 1 TNB, TNB Sepang Solar (TSS), MIDF berkata dijangka capex bagi kabel, tidak termasuk kos bagi *Right of Way*, adalah RM1 juta bagi setiap kilometer (km).

"Walaupun butiran capex sebenar akan datang tidak diberikan,

kami menganggarkan TSS akan mencatatkan capex antara RM5.5 juta hingga RM6 juta setiap megawatt (MW) atau sejumlah RM275 juta hingga RM300 juta berikutan kos projek itu dibuat sekitar 2016," katanya.

MIDF Research berkata, kos dijangka berkurangan kepada RM3 juta hingga RM4 juta/MW sekarang dan ini sepatutnya dicerminkan dalam projek LSS2 (TNB Bukit Selambau) atau LSS3 bergantung pada bila kos itu dimuktamadkan.

Untuk rekod, Tenaga menerusi TSS telah memenangi bidaan LSS1 untuk membina dan mengendalikan operasi projek solar 50MW di tapak seluas 98.34 hektar di Kuala Langat, yang dipajak daripada Tenaga pada kadar pasaran, di bawah perjanjian pembelian tenaga kuasa selama 21 tahun. BERNAMA



MIDF Research mengulangi saranan 'beli' atas saham TNB pada harga sasaran RM14.40 sesaham. (Foto Hiasan)